



Haurreskolak Partzuergoko haurren onartze-arauak eta irizpideak 2010eko irailetik aurrera indarrean

01/03-2010 Erabakia, 2010eko martxoaren 24koa, Haurreskolak Partzuergoko Zuzendaritza Batzordearena. Honen bidez, Haurreskolak Partzuergoko haurren onartze-arauak eta irizpideak onartzen dira 2010eko irailetik aurrera.

Hezkuntza, Unibertsitate eta Ikerketa Sailak 2008ko martxoaren 6an argitaratu zuen martxoaren 4ko 35/2008 Dekretua, Euskal Autonomia Erkidegoko Haur Hezkuntza, Lehen Hezkuntza, Bigarren Hezkuntza, Batxilergo eta erdimailako eta goi-mailako Lanbide Heziketako herri ikastetxeetan eta itunpeko ikastetxe pribatuetan ikasleak onartzeko prozedura arautzen duena, eta, besteak beste, Haur Hezkuntzako Lehen zikloko ikasleak onartzeko prozeduraren araudia ezartzea du helburu.

Haurreskolak Partzuergoa erakunde publikoa da eta, araututako gaietan, Eusko Jaurlaritzak emandako araudien mende dago; arautu gabeko gaietan, berriz, Haurreskoletako Zuzendaritza Batzordeak ezartzen ditu irizpideak eta jarraibideak, hala nola izena emateko egutegia.

"Ikastetxeko organo eskudunak ezarritako beste egoera adierazgarri batzuk. Egoera horiek irizpide objektiboek jarraituz ezarri behar dira, eta eskaerak aurkezteko epea hasi baino lehen argitaratu" atalean, Zuzendaritza Batzordeak gurasoen lan-egoera kontuan hartzea erabaki du, Haurreskolak Partzuergoaren helburuetako bat baita familia- eta lan-bizitza bateratzea

Horregatik guztiagatik, haurrak onartzeko prozeduraren egutegia eta arauak ezarri behar dira Haurreskolak Partzuergoaren mende dauden haurreskoletarako.

Izena emateko epeak

Haurreskolan eskainitako plaza guztien %60 edo gutxiago hartuta badago, izena emateko epea etengabe egongo da irekita. Plazen %60 baino gehiago hartuta badago, berriz, izena emateko ezarritako epeak bete egingo dira. Kasu guztietan beteko da izena emateko maiatzeko epea, haurra ikasturtearen hasieran bertan, irailean eta urrian hastekoa bada.

Eskaerak ezarritako epean egin behar dira. Eskaerak egiteko, inprimaki-eredu ofiziala bakarrik aurkez daiteke, eta, bakoitzari dagokion haurreskolan bertan, doan jaso ahal izango da.

Eskariak aurkezteko epean, eskatzaile bakoitzak haurreskola bakarrean egin ahal izango du eskaera. Eskariak aurkezteko epe berean Haurreskola batean baino gehiagotan eskaera eginez gero, eskatzaileak aukera-eskubideak galduko ditu, baina, horretarako, interesdunak, kasu guztietan, audientzia bat izango du nahitaez.

Lehen aukera gisa eskatutako haurreskolan aurkeztuko da eskaria.

Ezarritako epea iritsi baino lehen ez da eskaririk onartuko.



Eskari-inprimakiarekin batera, atxikita aurkeztuko dira baremoan aintzat hartutako egoerak egiaztatzen dituzten dokumentuak. Eskariak onartzeko epea itxi eta gero, ezin izango da dokumentu gehiago aurkeztu.

Atal edo azpiatalen batean puntuak lortzeko behar den dokumentuetako bat aurkezten ez bada, batere punturik gabe geldituko da atal edo azpiatal hori; dena den, horrek ez du eskaria baliogabetzen, ezta beste atal edo azpiataletan lortutako puntuak ere.

Izena emateko, hiru epe ezarri dira:

- 1.- Maiatzean, haurreskolan irailean eta urrian hasiko diren haurrentzat.
- 2.- Irailean, haurreskolan azaroan, abenduan, urtarrilean eta otsailean hasiko diren haurrentzat.
- 3.- Urtarrilean, haurreskolan martxoan, apirilean, maiatzean eta ekainean hasiko diren haurrentzat.

Onartzeko irizpide orokorrak

- 1.- Eskari guztietarako behar adina plaza huts dituzten haurreskoletan, plaza eskatu duten haur guztiak onartuko dira.
- 2.-Aurreko ikasturtean matrikulatuta dauden haurrek ez dute berriz ere eskaria egin behar, beren plaza automatikoki berritzen baitaie izena emateko maiatzeko epearen aurretik hala eskatu duten familiei.
- 3.- Matrikulatuta dauden baina haurreskolaz aldatu nahi duten haurrek, berriz, prozesu honetako eskaria egin beharko dute.
- 4.- Oraindik jaio ez direnak ezin izango dira inskribatu.
- 5.- Izena ematean eta haurrak noiz hasiko diren finkatzean, derrigorrezkoa izango da haurreskolan hastean haurrek 16 aste beteta izan behar dituztela.
- 6.- Urtarrileko izen-ematearen eperako jaio ez diren haurrak onartu ahal izango dira haurreskoletan, baldin eta adin horretako haurrentzat plazarik badago.
- 7.- Izen-ematearen kanpo jaiotako haurrek plaza lortzeko aukera izango dute, dagokion atalean zehaztutako protokoloa eta epeak jarraituz.
- 8.- Urrian jaiotako haurrak eta honen familiak haurra otsailean hastea nahi badu eskaera epez kanpo onartu egingo da, haurreskolan plaza hutsak badaude.

Eskariak barematzeko irizpideak

Baldin eta eskari guztietarako behar adina plaza ez badago, honako irizpide hauek, denak batera, hartuko dira aintzat haurrak onartzeko:

1. Familia-unitatearen urteko errenta. (Azpiataletako puntuak batu daitezke atalaren gehienezko puntuazio lortu arte)

- Diru-sarrerak 42.000 € edo gutxiago: 0,5 puntu. (Bost aldiz 2008ko lanbide arteko gutxieneko soldata).
- Diru-sarrerak 25.200 € edo gutxiago: puntu 1. (Hiru aldiz 2008ko lanbide arteko gutxieneko soldata).
- Diru-sarrerak 8.400 € edo gutxiago: 1,5 puntu. (2008ko Lanbide arteko gutxieneko soldata).
- Eskatzailea ez den adin txikiko seme-alaba bakoitzarengatik: 0,25 puntu.
- Atal honetako gehienezko puntuazioa: 3 puntu.

Aipatutako puntuazio hori lortzeko, familia-unitateko kide guztien azken Ekitaldi Fiskaleko Zerga Oinarri Orokorrei dagozkien diru-sarrerak hartuko dira kontuan. Familia-unitateko kide guztien urte horretako Errenta Aitorpenaren kopia aurkeztu beharko dute edo, hala badagokie, baterako Aitorpenaren kopia. Zerga-arauek ezarritakoari jarraituz familia-unitateko kideren batek urte horretako Errenta Aitorpena egin ez badu, dagokion Ogasunak emandako ziurtagiria (aitorpena egin ez izanarena) aurkeztu beharko da.

Akordio honen aurreko ataletan, familia-unitatetzat hartuko da pertsona fisikoen errentaren gaineko zerga arautzen duten foru-arauetan kontuan hartzen den bera. Ezkontzaren baliogabetasuna, banantzea, dibortzioa edo izatezko bikoteen desegitea gertatu bada, haurraren zaintza (epailearen erabaki irmoz edota hitzarmen arautzailez) bere gain duen pertsonaren errentak soilik hartuko dira aintzat. Berdin jokatuko da epai-tutoretzarik, familia-harrerarik edo antzeko babes-neurririk izanez gero, haur adingabearen zaintza gurasoak ez diren pertsona fisikoen gain dagoenean. Tutoretza Administrazio publiko baten gain badago, gehienezko puntuazioa emango da atal honetan.

Anaia-arreben kopurua familia-liburuaren kopia baten bidez egiaztatuko da, eta adin txikiko anaia-arrebak bakarrik hartuko dira kontuan.

2. Bizilekuaren gertutasuna (Kontzeptu hauek ez dira metagarriak).

- Eskatutako haurreskolaren udalerrian izatea haurraren bizilekua: 5 puntu.
- Eskatutako haurreskolaren udalerrian izatea aitaren, amaren edo lege ordezkariaren lantokia: 2 puntu (Puntu horiek bateraezinak dira haurraren aita, ama edo lege-tutorea eskatutako haurreskolan lan egiteagatik ematen diren puntuekin).
- Atal honetako gehienezko puntuazioa: 5 puntu.

Haurra eta aita, ama edota legezko tutorea bizi diren etxea joko da familiaren bizilekutzat. Kasu horretan, haurraren eta guraso edota tutoreen errolda-agiriak eta Nortasun Agiriaren (atzeritarren kasuan, Atzeritarren Identifikazio Zenbakia) kopiak aurkeztuko dira familiaren bizilekua egiaztatzeko.



Haurraren guraso izatea egiaztatzeko, familia-liburuaren kopia aurkeztuko da. Haurraren tutore izatea egiaztatzeko, epaiaren kopia edota dagokion ziurtagiri ofiziala aurkeztuko da.

Aitarean, amaren edota legezko tutorearen lantokia eta eskatutako haurreskola udalerrri berean badaude, eskarian aurkeztean, egoera hori kontuan hartzeko aukeratu daiteke bizilekua balioetsi beharrean.

Kasu horretan, lantokia egiaztatzeko, besteren kontura ari diren langileak badira, enpresaren titularrak edo langileen arduradunak sinatutako ziurtagiria aurkeztu behar da. Agiri horrek adierazi behar du haurraren amak, haren aitak edo haren tutoreak enpresa horretan lan egiten duela.

Jarduera norberaren kontura bada, Gizarte Segurantzaren Diruzaintza Orokorraren edo dagokion erakundearen ziurtagiri eguneratua, Gizarte Segurantzarekiko betebeharretan egunean dagoela ziurtatzen duena eta jarduera ekonomikoen gaineko zergan altaren ziurtagiria edo udalak emandako irekitze-baimenaren kopia konpultsatua.

Lantokia eta haurreskola udalerrri berean egoteagatik ematen den puntuazioa zenbatzeko garaian haurraren zaintza guraso bakar baten gain badago, guraso horren legezko bikotekidea ere haurraren aitatzat edo amatzat hartuko da.

Zaintza duen gurasoaren bikotekidea dela ziurtatzeko, guraso horri zaintza ematen dion epaiaren kopia aurkeztu behar da, eta biak elkarrekin ezkondua daudela egiaztatzen duen familia-liburua edota izatezko bikote direla adierazten duen ziurtagiri ofiziala ere aurkeztu behar da.

3. Anaia-arrebak haurreskolan matrikulatuta egotea edo aitak, amak edo legezko tutoreak haurreskolan lan egitea.

- Eskatutako haurreskolan bertan anaia-arreba bat edo gehiago matrikulatuta egotea: 9 puntu.
- Aitak, amak edo legezko tutoreak haurreskolan lan egitea 7 puntu.
- Atal honetako gehienezko puntuazioa: 9 puntu.

Atal honetan, adopzio aurreko egoeran nahiz harrera-egoeran dauden adingabeak ere haurreskolan matrikulatutako anaia-arrebatzat hartuko dira.

Atal honetako puntuazioa emateko, beharrezkoa izango da eskaria egin duen haurra haurreskolan anaia-arrebekin batera egotea edo izen-emate epean ama, aita edo legezko tutoreak haurreskolan lan egitea.

Haurraren anaia-arreba edo guraso izatea egiaztatzeko, familia-liburuaren kopia aurkeztuko da. Haurraren tutore izatea egiaztatzeko, epaiaren kopia edota dagokion ziurtagiri ofiziala aurkeztuko da.

Atal honi dagokion puntuazioa ematerakoan, familia-unitatean legezko tutoretza-egoeran edota behin betiko nahiz adopzio aurreko familia-harrera egoeran dauden adingabeak ere anaia-arrebatzat hartuko dira.

Halaber, atal honetan ematen den puntuazioa zenbatzeko garaian, haurraren zaintza guraso bakar baten gain badago, guraso horren legezko bikotekidea ere haurraren aitatzat edo amatzat hartuko da. Pertsona horren seme-alabak ere anaia-arrebatzat



hartuko dira haurarekin batera bizi badira. Egoera hori dagokion errolda-agiriaren bidez egiaztatuko da.

Zaintza duen gurasoaren bikotekidea dela ziurtatzeko, guraso horri zaintza ematen dion epaiaren kopia aurkeztu behar da, eta biak elkarrekin ezkondata daudela egiaztatzen duen familia-liburua edota izatezko bikote direla adierazten duen ziurtagiri ofiziala ere aurkeztu behar da.

4. Familia ugariko kidea izatea.

- Maila orokorreko familia ugariko kidea izateagatik: puntu 1.
- Maila bereziko familia ugariko kidea izateagatik: 1,5 puntu.

Familia ugaria dela egiaztatzeko, estatuko edozein autonomia-erkidegok emandako agiri ofiziala aurkeztu behar da.

5. Haurraren minusbaliotasuna edo amarena, aitarena, legezko tutorearena edo anaia-arrebaren batena.

Minusbaliotasunarengatik (Atal honetako gehienezko puntuazioa: 2 puntu)

- Haur eskatzailearena: 2 puntu.
- Haren amarena, aitarena, legezko tutorearena edo anaia-arrebaren batena: puntu 1.

Atal honi dagozkion puntuak emateko, aipatutako pertsona horietako batek %33ko edo gehiagoko minusbaliotasuna izan behar du. Minusbaliotasuna bi pertsonak edo gehiagok badute ere, puntuak horietako batengatik bakarrik emango dira; beraz, gehienez, 2 puntu lortuko dira atal honetan, minusbaliotasuna haurrak berak badu, eta puntu bat, minusbaliotasuna aipatutako familiarteko batek badu.

Minusbaliotasuna egiaztatzeko, dagokion Lurralde Historikoko Foru Aldundiaren Gizarte Zerbitzuek edo estatuko antzeko beste organo batek emandako ziurtagiria aurkeztu behar da. Minusbaliotasunaren aitorten legala adierazi behar du ziurtagiri horrek eta minusbaliotasun-maila %33koa edo gehiagokoa dela jakinarazi.

Haurraren anaia-arreba edo guraso izatea egiaztatzeko, familia-liburuaren kopia aurkeztuko da. Haurraren tutore izatea egiaztatzeko, epaiaren kopia edota dagokion ziurtagiri ofiziala aurkeztuko da.

Atal honi dagokion puntuazioa ematerakoan, familia-unitatean legezko tutoretza-egoeran edota behin betiko nahiz adopzio aurreko familia-harrera egoeran dauden adingabeak ere anaia-arrebatzat hartuko dira.

Atal honetan ematen den puntuazioa zenbatzeko garaian, haurraren zaintza guraso bakar baten gain badago, guraso horren legezko bikotekidea ere haurraren aitatzat edo amatzat hartuko da. Pertsona horren seme-alabak ere anaia-arrebatzat hartuko dira haurarekin batera bizi badira. Egoera hori dagokion errolda-agiriaren bidez egiaztatuko da.

Zaintza duen gurasoaren bikotekidea dela ziurtatzeko, guraso horri zaintza ematen dion epaiaren kopia aurkeztu behar da, eta biak elkarrekin ezkondata daudela egiaztatzen



duen familia-liburua edota izatezko bikote direla adierazten duen ziurtagiri ofiziala ere aurkeztu behar da.

6. Beste egoera adierazgarri batzuk.

Aiten, amen edo legezko tutoreen lan-egoera: gehienez ere 2 puntu.

- Aitak, amak edo legezko tutoreak, biak, lanean aritzea: 2 puntu.
- Guraso bakarreko familia bada, guraso bakarra lanean aritzea: 2 puntu.
- Guraso bat lanean eta bestea langabezian egotea: puntu 1.
- Bi gurasoak edo, guraso bakarreko familia bada, guraso bakar hori langabezian egotea: puntu 1.

Atal honetako puntuazioa eskuratzeko, enpresak emandako lan-egoeraren ziurtagiria (lan-kontratuak ez dira onartzen) aurkeztu beharko da edo, langabezian egonez gero, Estatuko Enplegu Zerbitzu Publikoko (EEZP) txartela.

Jarduera norberaren kontura bada, Gizarte Segurantzaren Diruzaintza Orokorraren edo dagokion erakundearen ziurtagiri eguneratua, Gizarte Segurantzarekiko betebeharretan egunean dagoela ziurtatzen duena eta jarduera ekonomikoen gaineko zergan altaren ziurtagiria edo udalak emandako irekitze-baimenaren kopia konpultsatua.

Guraso bakarreko familia bada, guraso bakarra azaltzen denaren familia-liburuaren kopia edo guraso bati ematen zaion zaintzaren epaiaren kopia.

Berdinketa gertatuz gero

Aurreko ataletan lortutako puntuazio handiena hartuko da kontuan, atalak banan-banan alderatuta eta honako ordena honi jarraituz:

- a) Anaia-arrebak haurreskolan matrikulatuta egotea edo aita, ama edo legezko tutorea haurreskolan lan egitea aintzat hartzen duen atalean lortutako puntuaziorik handiena.
- b) Haurraren bizilekua edo amaren, aitaren edo legezko tutorearen lantokiaren kokalekua aintzat hartzen duen atalean lortutako puntuaziorik handiena.
- c) Haurren minusbaliotasuna edo amaren, aitaren edo legezko tutorearen minusbaliotasuna aintzat hartzen duen atalean lortutako puntuaziorik handiena.
- d) Familia ugaria izatea aintzat hartzen duen atalean lortutako puntuaziorik handiena.
- e) Familia-unitatearen urteko Errentaren atalean lortutako puntuaziorik handiena (Zerga-oinarria eta Kuota Likidoaren arteko aldea)



2010eko maiatzaren izena emateko epea

2009 eta 2010 urteetan jaiotako haurren guraso edo legezko tutoreek HaurreSkolak Partzuergoko zentroetan plaza eska dezakete.

- **Eskariak aurkezteko eta onartze-epeetarako egutegia**

Honako egutegi komun hau ezarriko da eskariak aurkezteko eta haurren onartze-prozeduraren epeetarako:

a) Eskariak entregatzea:	maiatzaren 3tik 14ra
b) Behin-behineko zerrendak argitaratzea:	ekainaren 18a
c) Behin-behineko zerrenden kontra erreklamazioak aurkeztea:	ekainaren 21etik 24ra
d) Behin betiko zerrendak argitaratzea:	uztailaren 2a
Haurren hasiera-data haurrekolan:	irailaren 6a

Maiatzaren 14rarte jaiotako haurrek eskaera aurkeztu beharko dute dagokien eran eta epean.

2010eko maiatzaren 15etik ekainaren 14ra jaiotako haurren eskaera ekainaren 15erarte aurkeztu ahal izango da, haurra jaio ondoren eta behin-behineko eta behin betiko zerrendetan kontuan hartu ahal izateko.

2010eko ekainaren 15etik 30era jaiotako haurrek eta urrian hasi nahi dutenek 2010eko uztailaren 1erarte eskaera aurkeztu ahal izango dute, haurra jaio ondoren eta ez dira epez kanpotzat hartuko, baizik eta behin betiko zerrendetara gehituko dira.

Eibar, 2010eko martxoaren 24a